

Frans Dreyer: 018 464 7786 Marcel Lombard: 018 464 7722

Susari Geldenhuys: 018 464 7430 Handré van Heerden: 018 464 7197 Bennie Scheepers: 018 464 7554

If a man is called to be a streetsweeper, he should sweep streets even as Michelangelo painted, or Beethoven composed music or Shakespeare wrote poetry. He should sweep streets so well that all the hosts of heaven and earth will pause to say, here lived a great streetsweeper who did his job well. -

Martin Luther King, Jr.

Internasionale Indekspryse				
Kommoditeit	2019/02/12 06:00	2019/02/11 12:00	Netto Verandering	Indeks
Corn Mar19	374.25	373.75	0.50	↑ 19.13
Corn Jul19	390.00	389.50	0.50	↑ 19.82
SRW Wheat Mar19	519.00	515.25	3.75	↑ 39.52
HRW Wheat Mar19	494.50	492.75	1.75	↑ 28.49
MGEX Wheat Mar19	573.00	568.25	4.75	↑ 46.69
Soya Mar19	908.50	913.75	-5.25	→ 9.80
Soya May19	922.50	928.00	-5.50	→ 9.10

Wisselkoerse	2019/02/12 06:00	2019/02/11 12:00	Netto Verandering	% Verandering
ZAR/USD	13.79	13.68	0.11	0.79%
ZAR/EUR	15.55	15.46	0.09	0.59%
\$ index	97.05	96.84	0.21	0.22%
USD/EUR	1.13	1.1301	-0.002	-0.19%

Belangrike datums	
NOK: Finalisering van die 2018 someroes	2019/02/13
Sagis: Weeklikse lewerings	2019/02/13

Internasionaal

Mielies:

- VSA mieliepryse het gister ietwat swakker verhandel, met tegniese verkope wat die mark laer duk. Hierdie verkope word verder aangevuur deur swakker sojaboonpryse.
- Sojaboonpryse verhandel onder druk, met gunstige Suid-Amerikaanse weer wat daardie mark onder druk plaas.
- Uitvoerinspeksies vir mielies dui op 740k ton se uitvoere - kleiner as verwagting en as die vorige week se syfer. Kumulatiewe uitvoere van 23.2M ton vir die huidige bemarkingsjaar is egter 47% groter as in die vorige bemarkingsjaar.
- Japan is 'n groot koper, met 270k ton se uitvoere wat na daardie land gaan.
- Die Europese-unie is ook 'n groot invoerder van mielies, met 15M ton wat reeds ingevoer is - 43% hoër op 'n jaar-tot-jaar basis.
- Die mark is steeds senuweeagtig oor 'n handelsooreenkoms tussen China en die VSA - dit lei tot volatilititeit in die mark.

Sojaboon:

- Amerikaanse Sojabone kom onder druk hoofsaaklik weens beter weer toestande in die VSA en handelsgesprekke wat nie op die stadium positief lyk om te realiseer voor die afsnydatum van Maart nie. Die prys sak 1% of 9.5c.
- Spanje is tans die voorste koper van Amerikaanse Sojabone, 9% van die totaal. Sjina is net onder die 9% vir die 2018/19 seisoen.
- Die USDA verlaag die totale produksie van die 2018 seisoen tot 4.544 miljard skepels. Dit is 'n totale opbrengs van 51.6 skepels /akker. Die USDA maak geen veranderinge aan die Suid Amerikaanse oes nie. Argentinië is steeds op 2.021 miljard skepels en Brasilië 4.299 miljard skepels.
- Wêreldvoorraad kom te staan op 106.72 MMT. Die USDA voorsien steeds prysbewegings van tussen \$8.1 en \$9.1/skepel.

Koring:

- VSA koringmarkte verhandel sywaarts met die mark wat onlangse USDA syfers verwerk.
- Die USDA verslag het VSA hektare teen 31.290 miljoen akker uitgebring. Die vorige skatting het op 32.595 miljoen akker uitgekom.
- Eindvoorraadvlakke het op 1.010 miljoen skepels uitgekom. Die vorige syfer was 974 miljoen skepels.
- Die Russiese koringoes word teen 2.792 biljoen skepels geraam en toestande is tans belowend.
- Die koringoes in die Oekraïne word 12% hoër teen 1.014 biljoen skepels geraam.
- VSA uitvoerinspeksies het die afgelope week op 20.7 miljoen skepels uitgekom. Verlede week was die syfer 16.3 miljoen skepels.
- Indonesië het 2.2 miljoen skepels koring by die VSA gekoop.
- Die verwagtinge is dat Rusland in Februarie 2019 73.5 miljoen skepels koring gaan uitvoer.

Plaaslik

Mielies:

- Gister se sessie begin negatief, met pryse wat op die Julie WM kontrak die R2800/ton vlak gaan toets. Hierdie vlak kan egter nie hou nie en pryse daal na limiete-af op R2788/ton.
- Die einde van die sessie is weer gekenmerk deur groot verkoopsdruk.
- Die ondersteuningsvlak op R2760/ton kan vandag 'n belangrike tegniese vlak wees.
- Goeie reënval oor die naweek en veral gisteraand kan pryse vandag verder onder druk plaas.
- Weervoorsigte vir die komende twee weke lyk ook gunstig vir reën oor die groter produksiegebied.
- Totdat daar nie werklik nuwe prys positiewe nuus mark toe kom nie is daar nie werklik 'n rede vir pryse om volhoubaar ondersteuning te kry nie.



Oliesade:

- Markte is uiters negatief gister met oliesade wat tussen R51/ton en R150/ton daal. Maart Sonneblom sluit die swakste met R150/ton af.
- Die Rand verswak met n verdere 11c sedertdien gister en verhandel tans op R13.79/\$.
- Die goeie reën het tans n baie negatiewe invloed op pryse. Dit bied egter baie goeie geleentheid vir boere om lande te plant. Alhoewel die volumes op die oliesade beter is, is dit steeds uiters laag.
- Die grootste deel van die binneland kry reën die afgelope twee dae. Die volgende vyf dae lyk steeds belowend. Voorspelling volgens Accuweather tussen 12 Februarie 2019 en 15 Februarie 2019: Bothaville 46mm; Bultfontein 32mm; Kroonstad 45mm; Potchefstroom 45mm; Ventersdorp 60mm; Vrede 51mm; Bethlehem 40mm en Bloemfontein 30mm.
- Die pariteitsbeweging is vandag R10/ton positief.

Koring:

- Koringpryse verhandel positief vanweë 'n swakker Rand. Die Maart 2019 kontrak styg R14/ton en sluit teen R4560.
- Die Rand bly die primêre prysbepaler en verhandel swakker teen R13.81/\$. Die swakker Rand sal pryse op die Maart 2019 kontrak bo die sielkundige R4500 vlak laat verhandel.
- Die 2018 oes word teen 1.862 miljoen ton geraam. Dit is 17.79% groter as die 2017 seisoen.
- Die nuutste invoertarif is teen R490.70 gepubliseer.
- Wees bedag op die kwota tariefvrye koring (plus minus 220 000t) wat van Feb/Mrt '19 vanaf die EU ingevoer gaan word en prysdruk kan uitoefen.
- Daar is inderdaad die afgelope week 5 550t koring vanaf Duitsland ingevoer.
- Invoere sedert 01 Okt 2018 staan op 190 067t. Uitvoere staan op 27 013t.

Weer



Finansies

- Die rand het gister heelwat swakker teenoor vernaamste geldeenheide verhandel. Die rand het tussen R13.84 tot R13.56 teenoor die Amerikaanse dollar verhandel voordat dit nader aan R13.80 gesluit het.
- Die Amerikaanse dollar het weereens teenoor die euro versterk en onder \$1.13 gesluit.
- Die dollar indeks verhandel sterker op 97.057.
- Meeste ontluikende markte, soos Suid-Afrika, Mexiko, Rusland en Turkeie se wisselkoerse het heelwat verswak weens die versterking van die Amerikaanse dollar.
- Eskom het gister weer met ernstige beurtkrag vir die week begin. Volgens Eskom is die beurtkrag nodig weens die tekort aan die verskaffing van genoegsame elektrisiteit.
- Suid-Afrika se werkloosheidskoers vir die vierde kwartaal van 2018 word vandag hersien. Die huidige werkloosheidskoers staan op 27.5%.
- Die Amerikaanse inflasiekoers word Woensdag hersien. Daar word verwag dat inflasie gedurende Januarie effens laer aangepas kan word vanaf 2.2% tot 2.1%.
- Brent ru-olie verhandel steeds net onder \$62/vat.
- Die JSE se indeks vir alle aandele het sywaarts verhandel en op 53,409 gesluit.

Alhoewel alle nodige sorg getref word om die akkuraatheid van inligting te verseker, is die opinies, inligting en aanbevelings wat deur Senwes Beperk se verteenwoordigers en / of sy werknemers gemaak word, nie noodwendig korrek nie en moet dit geensins gesien word as finansiële advies nie. Daar is geen voorstellings en / of waarborge ten opsigte van die korrektheid van sodanige opinies, inligting en aanbevelings nie. Geen inligting in hierdie dokument word bedoel as, of moet gesien word as, leiding, 'n voorstelling, aanbeveling of raad om 'n transaksie te doen of nie te doen nie. Indien die inligting, aanbevelings of insette gebruik word, word dit op eie risiko aanvaar en toegepas en word Senwes Beperk en / of sy verteenwoordigers en / of alle eise en / of alle skade wat mag voortspruit uit die toepassing van sodanige aanbevelings gevrywaar. Hierdie dokument is vertroulik en word uitgegee vir die inligtingsdoeleindes van kliënte alleenlik. Hierdie verslag sal nie gedeeltelik of in geheel gereproduseer word nie en mag nie gedeeltelik of in geheel aangestuur of gekopieër word nie.